

جريدة حكاية

جمعه ايرتسى

| | | | | | |
|-------|------------|------|--------|------|-------|
| نومرو | ربيع الاول | سنة | اغستوس | سنة | صفحة |
| ۸۳۸ | ۱۶ | ۱۳۱۳ | ۲۶ | ۱۳۱۱ | ۱۱۷۲۵ |

(اشبو غزته بهر هفته جمعه ايرتسى كونلرى چيقار . سنه لى درسعات ايجون مجديه يكرمى غروش)
(حسابيله التمش غروشدر . طشره لر ايجون اون بش غروش پوسته اجرتى ضم اولنور . بهر)
(نسخه سى ينه مجديه يكرمى غروش اولق اوزره يوزپاره به هر يرده ساتيلور . درج اولنه جق)
(اعلانك هر برندن بر مجديه اخذ اولنور . سنه لکنه مشرتى اولق استيانلر عدليه نظارنى)
(داره سنده كان جريده محاكم اداره سنه مراجعت ايليدر)

محكمه جه بوراسنك حل ايدلماسى ومدعى طر-
قندن اساميسى بيان ايديلان شاهدلردن بشقه
شاهدى اولوب اولمدينى سؤال اولنماسى ووكيل
مومى اليه اراضى منازع فيهانك طقسان تاريخنده
موكلنى نامنه انتقالنى اجرا ايتدير ديكنى ادعا
ايتديكى حالده شاهدلرك سكسان طقوز تاريخنده
معامله انتقاليه اجرا اولنديغنه شهادت ايتلمرى
شهادتلرينك ردينى موجب ايكن قبول ايدلمسى
مغاير قانون اولديغندن بحثله اعلامك نقضى استبد-
عاسندن عبارت بولنمشدر .

قسم غير رسمى

(اركلنى بدايت محكمه سى اعلامندن مابعد)

احمد افانك بدايت وكيلى بولنان نادر اقدى اولو
مذكور اراضى به موكلنك انتقالاً وبعده حق
قربانك ثبوتيله متصرف اولديغنى ادعا ايتمش
وبو ايسه تناقض دعوايى موجب بولنمش ايكن

ایجابی مذاکره اولندقدده اعلام مذکور
 مندرجاتندن مستبان اولدینی اوزره دعوی
 واقعه عقاردن معدود اولان اراضیه متداثر
 اولسی جهتیله اول امرده ذی الیدک بالینه اثبات
 ایندی رلمسی احکام مجله اقتضاسندن اولدینی حالده
 ذی الیدک نبوتنه واثنای محاکمه اراضی مأمو-
 رینک حضورینه دائر اعلام میز بهده برکونه
 صراحت اولدینی وعلیهنه اعتراض اولنان حکم
 غیابی اعلامنک مالی اکلایشله حق صورتده اخیراً
 تنظیم واعطا قلنان مذکور اعلامه درج وتتمیق
 اولمندی کبی سالف الذکر حکم عیابینک
 معترض علیه طرفندن اقامه ایدیلان شاهدلرک
 سرآ تذکیرلندن صکره صادر اولدینی جهته
 معترضلرک اعتراضه صلاحیتی اولدینی واعتراض
 علی الحکم عرضحالنک اصولنه موافق اولهرق
 مدت قانونیه ظرفنده تقدیم قلندی بیانیله قبولنه
 قرار ویرلش اولسنه نظراً عرضحال مذکورده
 بسط و بیان اولنان اعتراضاتک بالتدقیق حکم
 غیابی مذکورده دفع وجرحه کافی کوربله میوب
 ردی لازم کلدیکی صورتده ردینی موجب اولان
 علل واسباب قانونیه نک متن اعلامده ارائه سی
 اقتضا ایدر ایکن محکمه مذکورده جهه بوبابده
 برکونه اسباب موجب کوسترلمکسزین حکم غیاب
 بینک استماع قلنان شهودک سرآ تذکیره معامله سنه
 قدر جریان ایدن محاکمه وجاهیه به مبتنی اولدینی
 واعتراضات واقعه نک حکم غیابی مزبورده جرحه
 کافی اولدینی بیانیله ردینه قرار ویرلمسی یکدیگرینه
 مابین اولهرق مغایر قانون بولنش اولدیغندن
 اصول محاکمه حقوقیه قانوننک اکیوز قرق برنجی
 ماده سی موجبجه اعلام مذکورک تقضیله قانون
 مذکورک اکیوز قرق درنجی ماده سی حکمنه
 توفیقاً کیفیتک برمنسوال مشروح یکیدن بالرؤیه
 اعلامه ربطی ضمننده محکمه مذکورده اعاده سنه
 وزیرده مفرداتی مرقم درتیوز قرق بچق غروش
 مصارف محاکمه نک ایلروده حقسز چیه جق
 طرفه رجوع ایتمک اوزره اول امرده مستدعی
 تمیزلردن اخذینسه ۲۹ حزران سنه ۳۰۹
 تاریخی متفقاً قرار ویرلدی .



اعلامک تمیزی استمدعا ایدن جبل لبنان داخلنده
 کسروان قضاسنه تابع عجشیت قریه سننده مقیم
 متوفی بطرس چرکس کرم اوغللری عساف
 وبوسف وکیللری الیاس رسام افندی ایله میز
 علیه قریه مذکورده مقیم خوری سلیمان کرم
 وکیلی اسکندر طراد افندی یوم معینده دائره به
 کلدکلرندن ایضاحات شفاهیه لریله باش مدعی
 عمومی معا و نلرندن سعادتلو بورغاک افندی نک
 مطالعه سی استماع قلنهرق تدقیقات تمیزیه اجراسنه
 ابتدار قلندی .

اعلام مذکورک خلاصه مالی مرقوم
 خوری سلیمان کرمک مخدومی متوفی یوسف
 الخوریدن ارتا کندوسنه منتقل برقطعه پولیچه
 سندیه موجبجه متوفی بطرس چرچیس نام کسنه
 ذمتنده الاجنی اولان التمش سکز لیرانک متوفای
 مزبورک ورته سندن بولنان اوغللری مرقومان
 عساف ویوسفدن حصه لرینه کوره تحصیلنی طلب
 ودعوی و مذکور پولیچه بی ابراز واعطا ایتمسنه
 قارشو مدعی علیهما مذکور پولیچه ده کی امضا
 ومهری انکار ایتمشله ایسه ده تطبیق خط وخاتم
 قاعده سنه توفیقاً اهل خبره معرفتیله اجرافلنان
 تدقیقات نتیجه سننده مذکور پولیچه سندنده کی
 امضا ومهر متوفای مرقوم چرچیسک کندی
 امضا ومهری اولدینی تحقق ایتمش اولدینی بیانیله
 برموجب سند مبلغ مذکورک مشترکاً مدعی
 علیهمادن تحصیلنه حکمدن واشبو حکم علیهنده
 مستدعی تمیزلر وکیلنک باشلوجه اعتراضی دعوی
 ای واقعه وراثندن منبعت وفصل وحسمی محکمه
 شرعییه طائد ایکن محکمه مذکورده جهه وظیفه
 جهتسه دقت اولنامسی مغایر قانون اولدیغندن
 بختله اعلامک تقضی استمدعاسندن و میز علیه
 وکیلنک نتیجه جوابی وفات ایدن داینک ورته
 سنده صغیر بولندچه بومثلاو دعاوینک محکمه
 شرعییه طائد اولیوب محاکم نظامیه جهه رؤیتی
 لازم کله چکی بیانیله اعتراضات مسروده نک
 ردی وموافق قانون اولان اعلامک تصدیقی
 طلبندن ومعاون موصی الیهک مطالعه سی دخی
 مستدعی تمیز دعوی واقعه نک شرعاً رؤیتی
 لزومندن بخت ایدیور ایسه ده دعوی مذکورده
 کبار اولان ورته علیهنده اقامه اولنهرق ترکه
 متوفی موجب تحریر اولدینی جهتله اعتراض
 مذکورک موافق قانون کوربله مدیکی بیاندندن
 عبارت بولمشدر .

ایجابی لدی المذاکره اول امرده مستدعی

تمیز وکیلنک در میان ایلدیک و وظیفه اعتراضی
 لدى التدقیق معاون مومی الیهک مطالعه سی
 وجهه غیر وارد اولوب انجق اعلام مذکور
 مآلندن اکلایدینی اوزره مدعینک مستند ادعا
 سی اولان پولیچه سندنده فائض مقالعه سی
 مندرج اولسبیله سندمد کور پولیچه حکم و قوتی
 حائز اوله میوب قانوناً عادی سند منزله سند
 اولدینی و مدیون بطرس جرجیس تجارندن اولد
 یعنی کبی کرک داین و کرکسه مدیونک دخی وفات
 ایتمش بولنلرینه نظراً دعواى واقعه نک مرجع
 فصل ورؤیتی حقوق محکمه سی اولدینی حاله
 بیروت تجارت محکمه سنجه بورالری نظر دفته
 التیه رر رؤیت و حکم ایلدسی وظیفه خارجه
 اوله رق اصول و قانونه مغایر بولنمش اولدیغندن
 اصول محاکمه حقوقیه قانوننک ایکوز اوتوز
 اوچنچی ماده سی موجبجه اعلام مذکورک
 تقضیه قانون مزبورک ایکوز قرق اوچنچی
 ماده سی حکمنه توفیقاً کیفیتک قانون دائره سند
 یکیدن بالرؤیه اعلامه ربطی ضمننده عائد اولدینی
 بیروت بدایت محکمه سی حقوق دائره سنه حواله
 سنه وزیرده مفرداتی مرقم درتیسوز اون درت
 بچق غروش مصارف محاکمه نک ایلروده حقسنز
 چیقه حق طرفه رجوع ایتک اوزره اول امرده

مستدعی تمیزلردن اخذینه فی ۱۶ ایلول سنه ۳۰۹
 تاریخنده متفقاً قرار ویریله رک تفهیم قلندی .
 دیار بکر استیناف محکمه سندن ۱۲ خزران
 سنه ۳۰۶ تاریخى و اوج عددی ایله صادر اولان
 اعلامک تمیزی مالیه خزینة جلیله سنه اصافله
 محل حکومت و کبلی عمر عالی افندی طرفندن
 باعرضحال استدعا قلنمش و خزینة مشارالیه
 و کبلی عمر اشرف افندی ایله مدعی علیه ماردین
 قصبه سندمه مقیم قطرجی جرجیس یوم معینده
 دائره یه کلدگری کبی جواب لایحه سیدنخی
 کوندرلماش اولدیغندن باش مدعی عمومیلک
 مأموریت علیه نک مطالعه نامه سی الندقدنصرکه
 اصول محاکمه حقوقیه قانوننک ایکی یوز یکرمی
 طقوزنجی ماده سی موجبجه تدقیقات تمیزی
 اجراسته ابتدار اولندی .
 اعلام مذکورک خلاصه مالی حکومت سنیه

نک متوفی قارسی ذمتنده الاجنی اولان مبالغ
 معلومه نک تأمین استیفاسی ضمننده بللزایده مرقوم
 جرجیسه بیع اولنان برقطعه بفعجه نک ثمتندن
 مشتری مرقوم ذمتنده قلان یدی بیک یوز اوج
 غروشک تحصیل حقتده محلی حکومتی طرفندن
 اقامه اولنان دعوایه قارشو مرقوم جرجیس مبلغ
 متباقی مذکورى متوفای مرقوم ذمتنده الاجنی
 اولان مبالغه مقابل توقیف ایتدیکنی مدافعه
 درمیان ایتمش ایسه ده خزینة جلیله نک سائر
 دائیره حق رجحانی درکار اولندیغنه بناء
 مبلغ مذکورک مرقوم جرجیسدن لزوم تحصیلنه
 دائر ماردین بدایت محکمه سندن صادر اولان
 اعلام علیه مرقوم جرجیس طرفندن اقامه اولنان
 استیناف دعواسی اوزرینه محکمه مذکورده جه
 عندالمحاکمه حکم ابتدائی مذکورک فسخیله
 اجراقلنان تدقیقات نتیجه سندمه مزبور جرجیس
 ایله برادری نصری مذکور بفعجه بی مدیون
 متوفی فارسک اوغلی عبدالرزاق چلبی نام کسنه
 دن اشترا ایدوب اثماتی دخی بایع مرقوم
 عبدالرزاق چلبی به تسلیم ایلدیکی اعلام ابتدایده
 مندرج حجت شرعیه ایله ثابت اولوب مرقوم
 جرجیسک مذکور بفعجه اثماتی خزینة اعطاسنه
 برکونه تمهدی بولنماسنه وشو حاله حکومت

سنیه نک مرقوم جرجیسه حضم اوله میه جنی
 درکار اولدیغنه بناء خزینة جلیله نک مرقوم
 جرجیسه معارضه دن منعه حکمدن و مستدعی
 تمیز خزینة مشارالیه وکیلنک اشبو اعلام علیه
 لایحه سندمه محرر باشلوجه اعتراضی اعلام ابتدا
 ینک فسخی موجب برکونه سبب قانونی اولدینی
 حاله محکمه جه بوراسنه دقت اولتمسزین هم
 حکم مذکورک فسخی و همده خصومت توجه
 ایتیه چکنه قرار ویرلسی مغایر قانون اولدیغندن
 بخله اعلام مذکورک تقضی استدعاسندن و مدعی
 علیه وکیلنک نتیجه جوابی اعتراضات مذکورده
 نک واهی اولوب ردی و موافق اصول و قانون
 اولان اعلامک تصدیقی طلبندن و مطالعه نامه
 مذکور مندرجاتی دخی حکم ابتدائینک عندال
 استیناف اسباب قانونیه به منی فسخیله اساس
 دعوانک یکیدن رؤیت و حکم اولنسی احکام
 قانونیه اقتضاسندن اولدینی حاله محکمه استیناف
 قیه جه اشبو قاعده به رعایت اولنماش اولدیغندن
 اعتراضات واقعه نک موافق قانون اولدینی بیاندن
 عبارتدر .
 ایجابی مذاکره اولندقده اعلام مذکور
 مندرجاتندن منقهم اولدینی اوزره دعواى واقعه

خزینة جلیله نك الاجنبي مقابلنده بیع ایدیلان
 بقیچه اثمانندن بقیه سنك تحسلی طلبنه متدائر
 اولوب ومطلوبات میریه نك نظاماً مطلوبات
 سائریه مرجح اولدینی کبی مذکور بقیچه خزینه
 مدیون بولنان متوفی فارسك تسویه سی ایچون
 صائلمش اولسی جهتیه مدعی به بشقه ثمن
 حقدنه کی حکم ابتدائی موافق اصول وقانون
 اولدینی حالدیه محکمه استینافیه جه بوراسنه دقت
 اولتمسزین مذکور بقیچه نك متوفای مرقومك
 اوغلی طرفندن مرقوم جرجیسه بیعی اجرا
 اولدینی بیانیه حکم ابتدائی مذکورك فسخیه
 حکومت سنیه نك منع معارضه سنه حکم اولتمسی
 مغایر اصول وقانون اولدیفنه وسائف الیابان
 مطالعه نامه مندرجاتی دخی موافق نفس الامر
 کورلدیکنه بناءً اصول محکمه حقوقیه قانوننك
 ایکی یوز قرق برنجی ماده سی موجبجه اعلام
 مذکورك نقضیه قانون مزبورك ایکی یوز قرق
 دردنجی ماده سی موجبجه کیفیتك اعلامه ربطی
 ضمننده محکمه مذکوریه اعاده سنه وزیرده
 مفرداتی مرقم اوچیوز الی درت بحق غروش
 مصارف تمیزیه نك ایلروده مدعا علیه یاه راجع
 اولدینی اوزره اول امرده مستدعی تمیز خزینة

مشار الیها وکیلندن استینافسنه فی ۳ نیسان سنه ۳۱۱
 تاریخنده متفقاً قرار ویرلدی .
 قسطمونی بدایت محکمه سندن ۲۳ تشرین اول
 سنه ۳۱۰ تاریخی واللی بش عددی ایله استینافاً
 صادر اولان اعلامك تمیزینی اراج قضاسنه تابع
 حمید قریه سی اهالیسندن مهاجر حسین اغا با عر-
 فحال استندا ایتدیکی حالدیه یوم معینده داتره یه
 کلیوب مدعی علیه بکیر بکنده تکه میداننده ایکی
 نومرولی خانه ده مقیم دره شعبانلی قریه لی کل اوغلی
 محمد افندینك ورود ایتمش اولمسلیله ایضاحات
 شفاهی سی استماع قلندی .

اعلام مذکورك خلاصه مآلی اراج قضاسنه
 تابع صاربون قریه سنده کائن مزبور محمد افندینك
 عهدة تصرفنده اولدینی ثابت اولان معلوم الحدود
 کل اوغلی بوکی دینمکله معروف برقطه ترلانك
 بش دونم محلنه مرقوم مهاجر حسین اغا طرفندن

وقوعبولان مداخله نك منعی متضمن اراج بدایت
 محکمه سندن صادر اولان اعلامك استینافاً بالتدقیق
 فسخیه جریان ایدن محاکمه وتدقیقات نتیجه سنده
 منازع فی اراضی به مرقوم حسین اغا سبب شرعی
 زعمنه مستند اولمیه رق فضولی تجاوز ایلدیکی
 وارضی مذکوریه اوزرنده مغروس کل فدائیر-
 ینك قلغنده ارضه برضرر ایراث ایتیه جکی تین
 ایتسنه مبنی اراضی مذکوردهن موجود کل
 فدائیرینك قلعیه مرقوم حسین اغانك منع مدا-
 خله سنه حکمدن ومستدعی تمیزك اشبو قرار
 علیه نه لایحه سننده محرر باشلوجه اعتراضاتی
 منازع فی اراضی اراضی مواد حکمنده اولوب
 کندی طرفندن بالاعمار تصرف ایدیله کلکده
 اولدینی حالدیه بوراسنك نظر دقته التماسی وسبب
 ملک اولور زعم شرعی ایله اشجار غرس ایلمش
 ایکن بوبابده کی ادعاسنك رد ایدلمسی مغایر قانون
 اولدیغندن بخله اعلامك نقضی استنداسندن ومد-
 عی علیه نك نتیجه جوابی دخی اعتراض مذکورك
 خبر وارد اولدینی بیانیه ردی وموافق اصول
 وقانون اولان اعلامك تصدیقی طلبندن عبارت
 بولمشدر .

ایجابی لدی المذاکره اعلام مذکور مندرجا-
 تندن مستبان اولدینی اوزره بدایة مدعی علیه

بولنان مرقوم حسین اغا منازع فی اراضی بی سبب
 شرعی زعمیه اعمار ایدرک اشجار احداث ایتمش
 ومومی الیه محمد افندی ایسه بومدت ظرفنده
 دعوی ایتیموب سکوت ایلمش اولسنه نظراً
 اراضی مذکوریه نك قیمتی بالتخمین مومی الیه
 محمد افندی به ویریلهرک مرقوم حسین اغانك یدنده
 ابقاسی اراضی قانوننامه سنك اتوز بشنجی ماده .
 سی احکامندن اولدینی حالدیه محکمه مذکوریه جه
 بوراسنك نظر دقته النیه رق بر منوال محرر حکم
 اعطا قلتمسی مغایر قانون اولدیغندن اصول محاکمه
 حقوقیه قانوننك ایکویوز قرق برنجی ماده سی
 موجبجه اعلام مذکورك نقضیه قانون مزبورك
 ایکویوز قرق دردنجی ماده سنه توفیقاً کیفیتك
 یکیدن بالرؤیه اعلامه ربطی ضمننده محکمه
 مذکوریه اعاده سنه ومستدعی تمیزك بیقدرت
 اولسنه مبنی قیدیه تبلیغ دعوتیه خرچلرندن
 معاف طوتیلهرق یالکیز زیزده مفرداتی مرقم
 ایکویوز یتمش اوچ بحق غروش مصارف محاکمه نك
 ایلروده حقسنز چیقہ جق طرفه رجوع ایتک
 اوزره اول امرده مستدعی تمیزدن التماسنه
 ۳ نیسان سنه ۳۱۱ تاریخنده متفقاً قرار ویریله-
 رک تفهیم قلندی .

اولو بورلی قضاسی بدایت محکمه سندن
 ۳۱ مایس سنه ۳۰۹ تاریخی والی عددی ایله
 صادر اولان اعلامک تمیزینی استدا ایدن اولو
 بورلی قضاسنک قبا محله سی اهالیسندن دوبکچی
 اوغلی محمد مخدوملری علی وصغیر محمدک وصیسی
 وسیله خانم ایله مدعی علیه قصبه مذکورنک
 جسر کبیر محله سنده ساکنه حاجی حافظ کریم سی
 زهرا خانم یوم معینده دائره یه کلد کارندن باش
 مدعی عمومیاک مأمورین عدلیه سنک مطالعه نامه
 سی النقدن صکره اصول محاکمه حقوقیه قانوننک
 ایک یوز یکر می طقوزنجی ماده سی موجینجه
 تدقیقات تمیزیه اجراسنه ابتدار اولندی .

اعلام مذکورک خلاصه مالی مزبوره زهرا
 خانم حال صغر نده وفات ایدن پدر مورثی حاجی
 حافظدن کندوسیه ورثه سائر سنه انتقال ایدن
 اولو بورلی ده واقع معلوم الحدود چند قطعه ترلا
 پین الالورثه موقتاً تقسیم ایدیلهرک بونلردن ایکی
 قطعه ترلا کندوسیه برادری محمد سواً تقریق
 ایدلش ایکن مرقوم محمد قره ارسلان نام ترلا
 ایچون مستقلاً کندی تامنه سندالهرق بعه وفات
 ایتش اولدیغندن بخله ترلای مذکور مخدومی
 علی ایله صغیر محمدک وصیسی وسیله خانم طرفار .

ندن وقوعبولان مداخله نک منعی طلب وادعا
 ایتسی ولاجل الحاکمه یوم معینده مزبور علی
 اجابت ایتش ایسه ده صغیر محمدک وصیسی وسیله
 خانم کلامش اولدیغندن غیابنده وکیل مسخر
 حضوریه جریان ایدن محاکمه و تدقیقات نتیجه
 سنده بیان اولنان تقسیمک مأموری حضورنده
 صورت رسمیه ده اجرا قلنمدینی اصولاً تحقق
 وشو حالده تقسیم مذکورک معتبر اوله میه خیر
 درکار بولنش اولدیغنه بناءً منازع فیه ترلای
 مرقومان علی و محمد وصیسی وسیله خانمک بالا
 استقلال واقع اولان مداخله لرینک منعیله ترلای
 مذکورک طرفین بیننده متساویاً تقسیمه حکمدن
 ومستدعی تمیزلرک اشبوع اعلام علیه ده لایحه سنده
 محرر باشلوجه اعتراضلری منازع فیه ترلانک
 مستقلاً مورثلرینک تحت تصرفده اولدینی حالده
 کندولرینه انتقال ایتدیکی دفتر خاقانی سندی ایله
 ثابت بولنش ایکن محکمه جه بوراسنک نظر دفته
 انهم سی مغایر قانون اولدیغندن بخله اعلامک
 نقضی استدعا سندن ومدعی علیه ناک لایحه سنده
 محرر نتیجه اجوبه سی دخی حکم واقع تقسیمک
 قانون دائره سنده جریان ایتدیکنه مستند اولهرق
 موافق قانون بولندینی بیانیله اعلامک تصدیقی
 طلبندن ومطالعه نامه مذکور مندرجاتی دعوی

واقعه بین الورثه تقسیم و تقریق متدائر اولهرق
 میراث دعواسی دیمک اولدیغنه وبومقوله دعاوینک
 شرعاً فصل وحسمی مقنضی بولندیغنه مبنی دعوی
 مذکورنک وظیفه خارجنده باقلمش اولدینی
 بیانندن عبارت بولنمشدر .

ایجابی لیدی المذاکره اعلام مذکور مطا
 له سندن اکلاشلدینی اوزره دعوی واقعه
 اراضی به متعلق اولدینی حالده اثنای محاکمه
 اراضی مأمورینک حاضر بولندیرلما سی وطرفینک
 مورثلردن انتقال ایتش اولان اراضینک اجرا
 قلنان تقسیمک عدم صحته قرار ویرلسنه نظراً
 بجموع اراضینک ورثه بیننده تقسیمی اجرا ایدلمک
 اوزره ورثه نک جلیله تین ایده جک حاله کوره
 معامله اولنق لازم کلور ایکن محکمه جه بوراسی
 نظر دفته التمسین یالکوز برترلا حقدنه ورثه دن
 ایکی کشی بیننده حکم اعطا قلنمی مغایر قانون
 بولنش ومعاون مومی الیهک وظیفه حقدنه کی
 مطالعه سی غیر وارد کورنش اولدیغندن اصول
 محاکمه حقوقیه قانوننک ایک یوز قرق برنجی ماده
 سی موجینجه اعلام مذکورک نقضیه قانون
 مزبورک ایک یوز قرق درنجی ماده سنه توفیقاً
 کیفیتک صور مشروحه دائره سنده یکیدن بالرؤیه

اعلامه ربطی ضمنتده محکمه مذکوریه اعاده سنه
 وزیرده مفرداتی مرقم درتیوز اون طقوز بچق
 غروش مصارف محاکمه نک ایلروده حقسز چیق
 جق طرفه رجوع ایتک اوزره اول مرده
 مستدعی تمیزلردن التمسنه ۱۰ کانون ثانی سنه ۳۱۰
 تاریخنده متفقاً قرار ویرلدی .



عاد الجواز بدایت محکمه سندن ۲۰ کانون ثانی
 سنه ۳۰۹ تاریخی واون درت عددی ایله ویریلان
 اعلامک تمیزینی استدا ایدن عادالجواز قصبه سنک
 دیکسی محله سنده مقیم حسین افندی وکیلی
 کرقور افندی یوم معینده دائره یه کلوب مدعی
 علیه در سعادتده ایاصوفیه کبیر جامع شریفی
 در سعاملردن عبدالرحمن خلوصی افندی اجابت
 ایتدیکندن وکیل مومی الیهک ایضاحات شفا
 هیه سی استماع قلندفدن صکره تدقیقات تمیزیه
 اجراسنه ابتدار اولندی .

اعلام مذکورک خلاصه مالی مومی الیه

عبدالرحمن افنديك مزبور حسين افندي وبرا-
درلرنيك عبد العزيز نام كسنه دن تفرغ ايلدكلى
عادى الجواز قصبه سى جوارنده واقع معلوم الحدود
برقطه بفتحده حق شفعمسى اولديغندن وشرائط
شفعمسى دخى ايفسا ايلديكندن بحمله اوج بيك
طقوز يوز غروش بدل مقابلنده مذكور باغچه نك
عهده سنه فراغى طلب وادعا اتمسى اوزرينه
مزبور حسين افندي وبرا درلرنيك بحسب الشفعمه
مذكور باغچه سى مومى اليه عبدالرحمن افندي
عهده سنه فراغه مجبور اولملىننه دائر ويريان
اعلام غيايى عليهنده مزبور حسين افندي طرف-
فندن اعتراض على الحكم عرضحالى اعطا اولمش
ايسه ده محكمه جه اجرا قلنان محاكمه و تدقيقات
نتيجه سنده شفيع مومى اليهك حق شفعمسى
اولوب شرائط شفعمسى اجرا ايلديكى شهادت
واقعه ايله ثابت و مزبور حسين افنديك اعتراف
ضاتى غير وارد اولمله سالف الذكر اعتراض
استدعاسنك رديله اعلام غيايىنك تصديقه حكمدن
ومستدعى تميز و كيلنك اشبو قرار عليهنده كى
باشلوجه اعتراضى اعتراض على الحكم اوزرينه
جريان ايدن محاكمه ده موكللى طرفندن درميان
اولنان اعتراضاتك تماميله تدقيق ايدلسكسزىن بلا
اسباب موجه رد ايدلسى مخالف قانون اولديغندن

بجمله اعلامك نقضى استدعاسنندن ومدعى عليه
عبدالرحمن افنديك لايحه جوابيه سى مالى دخى
حكم واقع غيايى جريان ايدن تدقيقات واستماع
قلنان شهودك شهادتنه مستند و اعتراضات واقعه
واهى ايدوكى بيانيله ردى و موافق قانون اولان
اعلامك تصديقى طلبندن عبارت بولمىشدر .
ايجابى لى المذاكره اعلام مذكور مطالعه-
سندن اكلا شلدينى اوزره دعواى واقعه حقنده
لاحق اولان حكم غيايى عليهنده معترض مزبور
حسين افندي طرفندن اعطا قلنان اعتراض
على الحكم استدعاسنده محرر اعتراضاتك قانون
دائرة سنده تدقيقيله نتيجه حاصليله كوره اسباب
قانونيه سنك بالبيان رد وياقبولى اقتضا ايدر ايكن
محكمه جه بورالرينه دقت اولمقسزىن اعتراضات
مذكور نك بلا اسباب موجه ردينه قرار
ويرلسى مخالف اصول وقانون اولديغنه ومستدعى
تميز و كيلنك بالاده محرر اعتراضيه بوجهته
متدائر اوله رق موافق نفس الامر بولنديغنه بناء
اصول محاكمه حقوقيه قانوننك ايكوز اوتوز ايكسجى
ماده سى موجه اعلام مذكورك تقضيله قانون مزبور
رك ايكوز قرق در دنجى ماده سنه توفيقاً كيفيتك يكدن
بالرؤيه اعلامه ربطى ضمنتده محكمه مذكوريه
اعاده سنه وزيرده مفرداتى مرقم در تيوز اون

طقوز بيق غروش مصارف محاكمه نك ايلروده
حقسز حيقه حق طرفه رجوع ايتك اوزره اول
امرده مستدعى تميزدن السنه ۱۲ كانون ثانى
سنه ۳۱۰ تاريخنده متفقاً قرار ويريله رك تفهيم
قلندى .

صوشهرى بدايت محكمه سنندن ۳۰ ايلول
سنه ۳۰۸ تاريخى والتمش ايكى عددى ايله
ويريلان اعلامك تميزنى استدعا ايدن صوشهرى
قضاسنه تابع اغوانس قريه سى اهاليسنندن ملك
اوغلى ارتين اغا يوم معينده دائره كلوب مدعى
عليه قضاء مذكورده ساكن قولاصيان اوامخ اغا
ورود ايتماش اولمىيله مستدعى مرقومك ايضاً
حات شفاهيه سى استماع قلندقدن صكره تدقيقات
تميزيه اجراسنه ابتدار اولندى .

اعلام مذكورك خلاصه مالى مرقوم اوامخ
ذخيره ائمانندن دولاي مرقوم ارتين ذمتنده
الاجنى اولان طقوز يوز غروشك مع گذشته

تخصيصى طلب وادعا واثبات مدعا ضمنتده برقطه
سند ابراز واعطا اتمسى وعند المحاكمه مرقوم
ارتين دخى سند مذكورى انكار ايلمسى اوزرينه
جريان ايدن محاكمه و تدقيقات نتيجه سنده ذكر
اولنان سننده موضوع امضا مرقوم ارتينك
ايدوكى اولبايده تعيين اولنان اهل خبره جانبندن
ويريلان رابور مالىله تين ايلمسنه بناء مبلغ
مدعاهك مع قاض بالغ اولدينى بيك قرق ايكى
غروشك مرقوم ارتيندن تحصيليله حكمدن
ومستدعى تميزك اشبو قرار عليهنده كى اعتراف
ضاتك باشلوجه سى مبلغ مدعا بهك اساس طقوز
كيله شعيردن عبارت اوله رق بونك عينا تحصيل
ايديله بيلوب گذشته حكم اولنه ميه جتى دركار
ايكن محكمه جه بوراسنه دقت اولمىه رق برمنوال
محرر حكم اعطا اولمىنى مغاير قانون اولديغندن
بجمله اعلامك نقضى استدعاسنندن ومدعى عليهك
لايحه سنده مندرج نتيجه جوابى دخى اعتراض
مذكورك غير وارد اولدينى بيانيله ردى
وموافق اصول وقانون اولان اعلامك تصديقى
طلبندن عبارت بولمىشدر .

ايجابى لى المذاكره اعلام مذكور مطالعه-
سندن اكلا شلدينى اوزره مستند ادعا اولان

سند مالی طقوز کیل شعیر ویریلوب هر نه وقت طلب ایدیلور ایسه عیناً تأدیبه اولنمق وایتمدیکی حالده بهر کیله سنک یوزر غروشدن بدلی اولان طقوز یوز غروشی مع فائض تأدیبه ایتمک مقاوله سنی ناطق بولنمسنه نظراً مذکور شعیر قرض صورتیله ویرلمش و بویله قرضاً ویریلان شعیرک مثلیاتدن اولسی جهتیله مثلنک تأدیبه سیله حکم اولنمق لازم کله چکی حکم قانون اقتضاسندن بولنمش ایکن محکمه مذکور هجه بوجهته دقت اولنمیرق مقاوله مذکور هجه بناً فیاتنک مع فائض تحصیلنه حکم اولنسی مغایر قانون اولد یغندن اصول محاکمه حقوقیه قانوننک ایکیوز قرق برنجی ماده لری موجبجه اعلام مذکورک تقضیله قانون مزبورک ایکیوز قرق دردنچی ماده سنه توفیقاً کیفیتک یکیدن بالرؤیه اعلامه ربطی ضمننده محکمه مذکور هجه اعاده سنه وزیرده مفرداتی مرهم درتیور اون طقوز بچق غروش مصارف محاکمه نک ایلروده حقسنز چیقه جق طرفه رجوع ایتمک اوزره اول امرده مستند عیدن النسنه ۱۸ سنه ۳۱۱ تاریخنده متفقاً قرار ویریلهرک تفهیم قلندی .



موش بدایت محکمه سندن ۹ تموز سنه ۳۰۶ تاریخچی واتوز التي عددی ایله ویریلان اعلامک تمیزینی موش سنجای داخنده کومس قریه سی اهالیسندن اوخانس و سرکز اغالر باعرضحال استمداء ایندک لری حالده یوم معیندن دائره یه کلیوب مدعی علیه زراعت بانکه سی وکیلی اوخانس افندیکن ورود ایتمش اولسیله ایضاحات شفاهیله سیله یاش مدعی عمومی معاوئلرندن سعادتلو یورغاک افندیکن مطالعه سی استماع قلندقدن صکره تدقیقات تمیزیه اجراسنه ابتدار قلندی .

اعلام مذکورک خلاصه مالی محلی زراعت بانکه سی وکیلی اسحق بک مذکور کومس قریه سی اهالیسندن ملقا موش سنجای منافع صندیغندن مدور برقطعه سند موجبجه زراعت بانکه سنه دینلری اولان ایکی بیک سکوز یوز اتوز درت غروشک مع گذشته تحصیلنی طلب ودعوی و مبلغ مذکورک اهلای قریه نک دینی بولندیغنی ناطق و تمیز کیغورق وداوید امضا و مهرینی حاوی برقطعه سند ابراز وارانہ ایتمسنه قارشو عندلحا که مرقومان اوخانس و سرکز دخی مبلغ مدعی به قریه نک بورجی اولدیغنی انکار ایدرک اکل محاکمه ضمننده تعیین قلنان کونده اجابت ایتملری

اوزرینه غیابلرنده وکیل مسخر تمینیه اجرا قلنان محاکمه و تدقیقات نتیجه سننده مبلغ مدعا به اهلای قریه نک دینی ایدوکی لدی التذکبه عدا لئلری تحقق ایدن شهودک شهادتی ایله تحقق ایتمسنه بناً مدعا به ایکی بیک سکوز یوز اتوز درت غروشک مذکور کومس قریه سی اهالیسندن تحصیلنه و مبرز سننده فائض مقاوله سی مندرج بولندیغندن وکیل مومی الیهک گذشته حقتده کی ادعاسنک ردینه حکمدن و مستدعیلرک اشبوقرار علیهنده لایحه سننده محرر باشلوجه اعتراض مدار حکم اتحاد ایدیلان سند کندو حقلرنده برکونه دینی اثبات ایتمدیکی حالده بلاسبب قانون قانونی کندولرینک محکوم ایدلسی مغایر اصول و قانون اولدیغندن بچمله اعلامک تقضی استمداء سندن و مدعی علیه زراعت بانکه سی وکیلنک نتیجه اجوبه سی اعتراض مذکورک غیر وارد اولدیغنی بیانیله اعلامک تصدیقی طلبندن و معاون مومی الیهک مطالعه سی دخی اهلای قریه نک قوم محصور اولوب اولدیغنک تحقیقیله قانون دائره سننده تشکیل طرفین ایدلامش و مدعی عمومی استماع قلنامش اولسنه مبنی قرار واقعک موافق قانون کوریه مسدیکی بیاندن عبارت بولنمشدر .

ایجابی لدی المذاکره اعلام مذکور مطالعه سندن اکلاشلدیغنی اوزره دعوا ی واقعنک منافع عمومی به عائد زراعت بانکه سی طرفندن اهلای قریه نامنه اقامه ایدلیدیکی جهته اثنای محاکمه سننده مدعی عمومینک حضور یله مطالعه سنک استماعی لازم کلور ایکن مأمور مومی الیهک حاضر بولندیرلامسی و مستند ادعا اولان سننده قریه مختار لری امضالری بولندیغنی جهته اصول محاکمه ده محرر تدقیق خط و خاتم قاعده سنه توفیقاً سند مذکورده موضوع امضالر حقتده تدقیقات لازمه اجراسیله تبین ایده چک حاله کوره بر حکم ویرلمک اقتضا ایدر ایکن سند مذکورده امضالری اولمیان مدیونلر طرفندن برکونه وکالتلری اکلاشلمیان قریه اهالیسی علیهنه حکم ویرلسی مخالف اصول و قانون اولدیغندن اصول محاکمه حقوقیه قانوننک ایکیوز اتوز ایکنجی و ایکیوز قرق برنجی ماده لری موجبجه اعلام مذکورک تقضیله قانون مزبورک ایکیوز قرق دردنچی ماده سنه توفیقاً کیفیتک یکیدن بالرؤیه اعلامه ربطی ضمننده محکمه مذکور هجه اعاده سنه وزیرده مفرداتی مرهم درتیوز اون طقوز بچق غروش مصارف محاکمه نک ایلروده حقسنز چیقه

جق طرفه رجوع ایتمك اوزره اول امرده
مستدعيلردن النسنه في ۳۰ كانون ثاني سنه ۳۰۸
تاريخنده متفقاً قرار ويريله رك تفهيم قلندي .

قدس شريف استيناف محكمه سندن ۳ مايس
سنه ۳۱۰ تاريخي واون درت عددی ايله ويريلان
اعلامك تميزيني قدس شريفه تابع كفر نعمه
قریه سی اهالیسندن مصطفی بن محمد ابراهيم
وطقسان برنقر رفقاسنك وكيلي عبدالرحيم جراه
افندی ايله مدعی علیه ملتزم محمد درویش افندی
يوم معینده دائره به کلدکارندن اصول محاکمه
حقوقیه قانونك ايکيوز يکرمی طقوزنجی ماده سی
موجبجه تدقیقات تمیزیه اجراسنه ابتدار
قلندی .

اعلام مذکورك خلاصه مالی مزبور محمد
درویش افندی قریه مذکوره نك بيك اوچيوز
طقوز سنه سنه محسوباً درعهده والتزام ایتمش
اولدینی اعشاری میاننده مرقومون مصطفی بن

محمد ورفقاسنك متصرف اولدقلری معلوم الحدود
اراضی واشجارك حاصلات عشریه سی اصولی
دائرة سنده تقدیر وتخمین اولنه رق لوی مذکور
مجلس اداره سنجه تصدیق واهالی مرقومه یه
تبلیغ قلنش اولان برقطمه دفتر موجبجه
یشیوز يکرمی کسور دستی روغن زيت يدی یوز
سکسان يدی کسور بطمان اینجیر و اوچيوز
یتمش سکز بیق صاع بغدادی وسکسان ایکی صاع
اربه ویوز اوتوز يدی صاع بوچک ویوز الی
طقوز صاع کرسنه ویوز یتمش الی صاع داری
وسکز یوز اون غروش سبزه بدلی که من حیث
المجموع قرق سکز بيك غروش الهجی اولد
یغندن بخله اعشار مذکوره نك مع فائض بدلات
ویاعیناً تحصیلنی طلب ودعوی ومذکور دفتری
ابراز واعطا ایتسنه قارشو مدعی علیهم وکلی
عبدالرحيم افندی دخی اهالی مرقومون وقت
حضادده تعشیر ایتسنی ملتزم مرقومه احضار
ایتدکلی حالده اصفا ایتدیکندن اعشار نظامنامه
سنك اوتوز بشنجی ماده سنه توفیقاً قریه مذکور
اختیار لرینك نظارتی تختنده اوله رق محصولانك
عشری جمع ایدلمکده باشلانقدن صکره ملتزم
مرقومک طلبی اوزرینه مجلس اداره واسطه سیله
شمخلر چیقارلمش وخرمنلرک بقیه سی اراضی

حالیه اوزرینه تخمین وتقدیر ایدلمش ایسنده
بوتخمین اعشار نظامنامه سنك اوننجی ماده سی
موجبجه مجلس اداره نك صلاحیتی خارجنده
(مابعدی وار)

اعلان

شيله قضا سنده عسا کر شاهانه ملازملرندن
صالح افندی بی ضرب واقچه سنی اخذ وغصب
ایتدیکی ادعاسیله مظنون علیه اولان احمد فرار
ایتمسندن وحقنده اجرا اولنان تحقیقات اوزرینه
هیئت اتهامیه جه جنایتله اتهامه قرار ویرلمسندن
طولایي اصول محاکمات جزائیة قانون موقتک
اوچيوز یتمش برنجی ماده سی موجبجه معامله
مقتضیه ایفا و محاکمه علیه سی اجرا اولنه رق قانون
جزانك ايکيوز يکرمی برنجی ماده سنه توفیقاً
اوج سنه مدتله کورکه قونلمسنه و اوتوز برنجی
ماده قانونیه منطوقنجه حقوق مدنی دن اسقاطیله
اموالنك حجزینه جنایتدن حکم اولمش و ذکر

اولنان اصول محاکمات جزائیة قانوننك اوچيوز
یتمش يدی و اوچيوز یتمش سکز و اوچيوز
سکسان برنجی ماده لريله مواد سائره سی احکامنه
توفیق معامله ایدلمسی مرجعه بیلدیرلمش اولمغله
اعلان کیفیته ابتدار قلندی .

في ۲۹ صقر سنه ۳۱۳

وفي ۸ اغستوس سنه ۳۱۱

اوچيوز طقوز سنه سی کانون اولنك التنجی
بازار ایرتسی کونی توتون قچاقچیلرندن اولوب
طوزله قریه سننده برچوال توتون قاچردینی
صرده قتل ایدیلان قره مانلی نيقوله نك کیفیت
جرح وقتلندن طولایي مظنون علیه طوزله
رژی قولچیلرندن کوچک محمد فرار ایتمسندن
واجرا اولنان تحقیقات استطاقیه اوزرینه هیئت
اتهامیه دن جنایتله اتهامه قرار ویرلمسندن اصول
محاکمات جزائیة قانوننك اوچيوز یتمش برنجی
ماده سی موجبجه معامله مقتضیه ایفا و محاکمه
غیاییه سی اجرا اولنه رق قانون جزانك بوز یتمش
دردنجی ماده سنك فقره اولاسنه توفیقاً مرقوم
کوچک محمدک اون بش سنه مدتله کورکه قونلمسنه

واوتوز برنجی ماده قانونیه منطوقنجه حقوق
مدینه دن بالاسقاط اموالک حجزینه محکمه
جنایتدن غیاباً حکم اولمش و ذکر اولنان اصول
محاکات جزائییه! قانونک اوچیوز یتیم یدی
و اوچیوز یتیم سکر و اوچیوز سکسان برنجی
ماده لریله مواد سائره سی احکامنه توفیق معامله
اولنسی مرجعه بیلدیرلمش اولغله اعلان کیفیته
ابتدار اولنور .

فی ۲۹ صفر سنه ۳۱۳

و فی ۸ اغستوس سنه ۳۱۱



شریفه غنیمه خانمک مرحوم نظیف افندی
کریمه سی فاطمه سنیه خانم ذمتنده با اعلام
محکوم به الاجنی اولان معلوم المقدار مبالغتک
تأمین استیفاسیچون تحت حجزه النهرق فروختی
قرارلشدیریلان یکی جامع شریف قربنده
خوبیار محله سننده بیلدیز حامی دیمکله معروف
برباب حماده مدیونه مومی الیهانک متصرفه
اولدینی کدکن مع مشتملات ثمن و ملککنک
یوز یکر می سهم اعتباریله سکسان بر حصه سنک
ثلث عن نصف حصه شایعه سی بوندن اقدم

لدی المزایده لیرای عثمانی یوز غروش حسابیله
اون التی بیک بشیوز غروشده طالبی عهده سنده
تقرر ایتیمش وموقتاً قرار داده سی کشیده قلنهرق
فی ۴ مارت سنه ۳۱۱ تاریخنده یوزده بش ضمیله
اعلانی لزومه قرار ویرلمش ابرسه ده بالاخره
مدیونه مومی الیها حکم اعلام علیهنده تمیز
دعوی ایلدیکنه بناء تأخیر مصلحت ایدلمشیدی
بوکره تمیزاً اعلام مذکور نقض اولنهرق محکمه
استیناف حقون قسمنه اعاده اولمش واستینافاً
جریان ایدن محاکمه نتیجه سنده حکم ابتدائیکنک
تصدیق ومذکور حمام حصه سنک فروختی لزومه
قرار ویرلمش اولدیغندن حصه مذکوریه یوزده
بش ضمیله طالب اولانلرک ودها زیاده معلومات
المق استیانلرک تاریخ اعلاندن اعتباراً اوتوز
برکون ظرفنده پی اچله لریله برابر دائرة اجرایه
مراجعت ایلملری ومدت مذکورک انقضاسنی
متعاقب قرار قطعیسی کشیده قلنه جفندن اندن
سکره ضم قبول اولنیه جنی در سعادت اعلامات
نظامیه اجرا دائره سنندن اعلان اولنور .

فی ۲۱ اغستوس سنه ۳۱۱